

**FRAMSELD REGLUGERÐ FRAMKVÆMDASTJÓRNARINNAR
(ESB) 2021/2305**

2022/EES/18/67

frá 21. október 2021

um að bæta við reglugerð Evrópuþingsins og ráðsins (ESB) 2017/625 reglum um í hvaða tilvikum og við hvaða skilyrði lífrænt ræktaðar vörur og vörur í aðlögun eru undanþegnar opinberu eftirliti á landamæraeftirlitsstöðvum, hvar opinbert eftirlit með slíkum vörum á að fara fram og um breytingu á framseldum reglugerðum framkvæmdastjórnarinnar (ESB) 2019/2123 og (ESB) 2019/2124 (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) 2017/625 frá 15. mars 2017 um opinbert eftirlit og aðra opinbera starfsemi sem miðar að því að tryggja að lögum um matvæli og fóður og reglum um heilbrigði og velferð dýra, plöntuheilbrigði og plöntuverndarvörur sé beitt og um breytingu á reglugerðum Evrópuþingsins og ráðsins (EB) nr. 999/2001, (EB) nr. 396/2005, (EB) nr. 1069/2009, (EB) nr. 1107/2009, (ESB) nr. 1151/2012, (ESB) nr. 652/2014, (ESB) 2016/429 og (ESB) 2016/2031, reglugerðum ráðsins (EB) nr. 1/2005 og (EB) nr. 1099/2009 og tilskipunum ráðsins 98/58/EB, 1999/74/EB, 2007/43/EB, 2008/119/EB og 2008/120/EB og um niðurfellingu á reglugerðum Evrópuþingsins og ráðsins (EB) nr. 854/2004 og (EB) nr. 882/2004, tilskipunum ráðsins 89/608/EBE, 89/662/EBE, 90/425/EBE, 91/496/EBE, 96/23/EB, 96/93/EB og 97/78/EB og ákvörðun ráðsins 92/438/EBE (reglugerð um opinbert eftirlit) ⁽¹⁾, einkum 48. gr. (h-lið), 51. gr. (a-lið 1. mgr.), 53. gr. (a- og e-lið 1. mgr.) og 77. gr. (k-lið 1. mgr.),

og að teknu tilliti til eftirfarandi:

- 1) Samkvæmt 5. mgr. 45. gr. reglugerðar Evrópuþingsins og ráðsins (ESB) 2018/848 ⁽²⁾ skal opinbert eftirlit í aðildarríkjunum til að sannprófa að farið sé að skilyrðum og ráðstöfunum vegna innflutnings á vörum, sem ætlunin er að setja á markað innan Sambandsins sem lífrænt ræktaðar vörur eða vörur í aðlögun, inn í Sambandið innt af hendi á landamæraeftirlitsstöðvum í samræmi við 1. mgr. 47. gr. reglugerðar (ESB) 2017/625.
- 2) Í 1. mgr. 47. gr. reglugerðar (ESB) 2017/625 eru tilgreindir þeir flokkar dýra og vara, sem koma inn í Sambandið frá þriðju löndum, sem lögbær yfirvöld eiga að annast opinbert eftirlit með á landamæraeftirlitsstöðvunum þar sem þeir koma fyrst inn til Sambandsins. Lífrænt ræktaðar vörur og vörur í aðlögun, sem um getur í 5. mgr. 45. gr. reglugerðar (ESB) 2018/848, falla undir þá flokka dýra og vara sem um getur í f-lið 1. mgr. 47. gr. reglugerðar (ESB) 2017/625 í krafti þessa ákvæðis í reglugerð (ESB) 2018/848. Að auki falla lífrænt ræktaðar vörur og vörur í aðlögun e.t.v. einnig undir þá flokka dýra og vara sem um getur í f-lið 1. mgr. 47. gr. reglugerðar (ESB) 2017/625 í krafti gerða eða reglna, sem um getur í því ákvæði, annarra en 5. mgr. 45. gr. reglugerðar (ESB) 2018/848. Á sama hátt falla lífrænt ræktaðar vörur og vörur í aðlögun e.t.v. einnig undir þá flokka dýra og vara sem um getur í a- til e-lið 1. mgr. 47. gr. reglugerðar (ESB) 2017/625 að því tilskildu að þær uppfylli viðeigandi kröfur.
- 3) Í samræmi við h-lið 48. gr. reglugerðar (ESB) 2017/625 má undanskilja dýr og vörur sem skapa litla áhættu eða enga sértæka áhættu frá opinberu eftirliti á landamæraeftirlitsstöðvum. Í 24. lið 3. gr. reglugerðar (ESB) 2017/625 er „áhætta“ skilgreind með vísan til skaðlegra áhrifa á heilbrigði manna, dýra eða plantna, velferð dýra eða umhverfið en ekki í tengslum við gæði matvæla. Lífrænt ræktaðar vörur og vörur í aðlögun sem koma inn í Sambandið geta talist skapa litla áhættu eða enga sértæka áhættu fyrir heilbrigði manna, dýra eða plantna, velferð dýra eða umhverfið ef þær falla ekki

(*) Þessi ESB-gerð birtist í Stjútíð. ESB L 461, 27.12.2021, bls. 5. Hennar var getið í ákvörðun sameiginlegu EES-nefndarinnar nr. 40/2022 frá 4. febrúar 2022 um breytingu á I. viðauka (Heilbrigði dýra og plantna) og II. viðauka (Tæknilegar reglugerðir, staðlar, prófanir og vottun) við EES-samninginn (bíður birtingar).

(1) Stjútíð. ESB L 95, 7.4.2017, bls. 1.

(2) Reglugerð Evrópuþingsins og ráðsins (ESB) 2018/848 frá 30. maí 2018 um lífræna framleiðslu og merkingu lífrænt ræktaðra vara og um niðurfellingu á reglugerð ráðsins (EB) nr. 834/2007 (Stjútíð. ESB L 150, 14.6.2018, bls. 1).

undir þá flokka dýra og vara sem falla undir opinbert eftirlit á landamæraeftirlitsstöðvum skv. a- til e- lið 1. mgr. 47. gr. reglugerðar (ESB) 2017/625 eða undir þá flokka dýra og vara sem um getur í f-lið 1. mgr. 47. gr. reglugerðar (ESB) 2017/625, sem fastsett hafa verið skilyrði eða ráðstafanir um í tengslum við komu þeirra inn í Sambandið í samræmi við 126. eða 128. gr. reglugerðar (ESB) 2017/625, eftir því sem við á, eða reglurnar sem um getur í a- til h-lið og j-lið 2. mgr. 1. gr. þeirrar reglugerðar, sem útheimta að fylgni við þessi skilyrði eða ráðstafanir sé staðfest við komu dýranna eða varanna inn í Sambandið. Því þykir rétt að undanskilja slíkar vörur frá opinberu eftirliti á landamæraeftirlitsstöðvum.

- 4) Opinbert eftirlit með lífrænt ræktuðum vörum og vörum í aðlögun, sem ætlunin er að setja á markað í Sambandinu, sem eru undanþegnar opinberu eftirliti á landamæraeftirlitsstöðvum í samræmi við þessa reglugerð ætti að fara fram á staðnum þar sem vörurnar eru afgreiddar í frjálst flæði inn í Sambandið. Aðildarríkin ættu að upplýsa framkvæmdastjórnina um staði þar sem vörur eru afgreiddar í frjálst flæði þar sem slíkt eftirlit er innt af hendi. Framkvæmdastjórnin ætti að halda skránni yfir staði þar sem vörur eru afgreiddar í frjálst flæði uppfærðri í Traceskerfinu sem um getur í 4. mgr. 133. gr. reglugerðar (ESB) 2017/625.
- 5) Með framseldri reglugerð framkvæmdastjórnarinnar (ESB) 2019/2123 ⁽³⁾ er lögbærum yfirvöldum á landamæraeftirlitsstöðvum gert kleift að heimila að sannprófun auðkenna og eftirlit með ástandi sendinga af plöntum, plöntuafurðum og öðrum hlutum, sem um getur í c- og e-lið 1. mgr. 47. gr. reglugerðar (ESB) 2017/625, fari fram á öðrum eftirlitsstöðum en landamæraeftirlitsstöðvum og með sendingum af matvælum og fóðri, sem eru ekki úr dýraríkinu, með fyrirvara um ráðstafanir sem kveðið er á um í gerðum sem um getur í d-, e- og f-lið 1. mgr. 47. gr. þeirrar reglugerðar. Á sama hátt er lögbærum yfirvöldum gert kleift, með framseldri reglugerð (ESB) 2019/2123, að inna af hendi, annars staðar en á landamæraeftirlitsstöð, sannprófun skjala með sendingum af plöntum, plöntuafurðum og öðrum hlutum sem um getur í 1. mgr. 72. gr. og 1. mgr. 74. gr. reglugerðar Evrópuþingsins og ráðsins (ESB) 2016/2031 ⁽⁴⁾. Framseld reglugerð (ESB) 2019/2123 gildir þó ekki um sendingar af plöntum, plöntuafurðum og öðrum hlutum, sem um getur í c- og e-lið 1. mgr. 47. gr. reglugerðar (ESB) 2017/625, ef þær eru lífrænt ræktaðar vörur eða vörur í aðlögun sem falla undir opinbert eftirlit á landamæraeftirlitsstöðvum skv. 5. mgr. 45. gr. reglugerðar (ESB) 2018/848.
- 6) Til að tryggja beitingu framseldrar reglugerðar (ESB) 2019/2123 að því er varðar sendingar af plöntum, plöntuafurðum og öðrum hlutum, sem um getur í c- og e-lið 1. mgr. 47. gr. reglugerðar (ESB) 2017/625, sem eru lífrænt ræktaðar vörur eða vörur í aðlögun sem falla undir opinbert eftirlit á landamæraeftirlitsstöðvum skv. 5. mgr. 45. gr. reglugerðar (ESB) 2018/848 er nauðsynlegt að rýmka gildissvið hennar. Að auki ætti að fastsetja ákvæði um það í framseldri reglugerð (ESB) 2019/2123 í hvaða tilvikum og við hvaða skilyrði sannprófun auðkenna og eftirlit með ástandi mega fara fram á öðrum eftirlitsstað en landamæraeftirlitsstöð í tengslum við sendingar af tilteknum vörum sem falla undir opinbert eftirlit á landamæraeftirlitsstöðvum skv. 5. mgr. 45. gr. reglugerðar (ESB) 2018/848.
- 7) Til þess að auðvelda skjóta meðhöndlun dýra og vara sem koma inn í Sambandið ætti lögbærum yfirvöldum á landamæraeftirlitsstöðvum að vera heimilt að leyfa áframhaldandi flutning á lokaviðtökustað meðan þess er beðið að niðurstöður liggi fyrir úr greiningum á rannsóknarstofu og prófunum á sendingum af plöntum, plöntuafurðum og öðrum hlutum, sem um getur í c- og e-lið 1. mgr. 47. gr. reglugerðar (ESB) 2017/625, í samræmi við II. kafla framseldrar reglugerðar framkvæmdastjórnarinnar (ESB) 2019/2124 ⁽⁵⁾, þ.m.t. þegar slíkar vörur eru lífrænt ræktaðar vörur eða vörur í aðlögun sem falla undir opinbert eftirlit á landamæraeftirlitsstöðvum skv. 5. mgr. 45. gr. reglugerðar (ESB) 2018/848.

⁽³⁾ Framseld reglugerð framkvæmdastjórnarinnar (ESB) 2019/2123 frá 10. október 2019 um viðbætur við reglugerð Evrópuþingsins og ráðsins (ESB) 2017/625 að því er varðar reglur um í hvaða tilvikum og við hvaða skilyrði sannprófun auðkenna og eftirlit með ástandi tiltekinnna vara má fara fram á eftirlitsstöðum og sannprófun skjala má fara fram annars staðar en á landamæraeftirlitsstöð (Stjútö. ESB L 321, 12.12.2019, bls. 64).

⁽⁴⁾ Reglugerð Evrópuþingsins og ráðsins (ESB) 2016/2031 frá 26. október 2016 um verndarráðstafanir gegn plöntuskaðvöldum, um breytingu á reglugerðum Evrópuþingsins og ráðsins (ESB) nr. 228/2013, (ESB) nr. 652/2014 og (ESB) nr. 1143/2014 og um niðurfellingu á tilskipunum ráðsins 69/464/EBE, 74/647/EBE, 93/85/EBE, 98/57/EB, 2000/29/EB, 2006/91/EB og 2007/33/EB (Stjútö. ESB L 317, 23.11.2016, bls. 4).

⁽⁵⁾ Framseld reglugerð framkvæmdastjórnarinnar (ESB) 2019/2124 frá 10. október 2019 um viðbætur við reglugerð Evrópuþingsins og ráðsins (ESB) 2017/625 að því er varðar reglur um opinbert eftirlit með sendingum af dýrum og vörum í umflutningi, umfermingu og áframhaldandi flutningi gegnum Sambandið og um breytingu á reglugerðum framkvæmdastjórnarinnar (EB) nr. 798/2008, (EB) nr. 1251/2008, (EB) nr. 119/2009, (ESB) nr. 206/2010, (ESB) nr. 605/2010, (ESB) nr. 142/2011, (ESB) nr. 28/2012, framkvæmdarreglugerð framkvæmdastjórnarinnar (ESB) 2016/759 og ákvörðun framkvæmdastjórnarinnar 2007/777/EB (Stjútö. ESB L 321, 12.12.2019, bls. 73).

- 8) Því ætti að breyta framseldum reglugerðum (ESB) 2019/2123 og (ESB) 2019/2124 til samræmis við það.
- 9) Til glöggvunar og í þágu réttarvissu ætti þessi reglugerð að gilda frá þeim degi sem reglugerð (ESB) 2018/848 kemur til framkvæmda.

SAMÞYKKT REGLUGERÐ ÞESSA:

1. gr.

Efni

Í þessari reglugerð er mælt fyrir um reglur um:

- a) í hvaða tilvikum og við hvaða skilyrði tilteknar lífrænt ræktaðar vörur og vörur í aðlögun, sem skapa litla áhættu eða enga sértæka áhættu fyrir heilbrigði manna, dýra eða plantna, velferð dýra eða umhverfið, sem koma inn í Sambandið eru undanþegnar opinberu eftirliti á landamæraeftirlitsstöðvum sem er framkvæmt til að sannprófa að farið sé að reglum sem gilda um lífræna framleiðslu og merkingu lífrænt ræktaðra vara,
- b) staðinn þar sem opinbert eftirlit með vörum, sem um getur í a-lið, sem ætlunin er að setja á markað í Sambandinu á að fara fram og
- c) breytingar á framseldum reglugerðum (ESB) 2019/2123 og (ESB) 2019/2124.

2. gr.

Skilgreiningar

Í þessari reglugerð er merking eftirfarandi hugtaka sem hér segir:

- 1) „lífrænt ræktuð vara“: lífrænt ræktuð vara eins og hún er skilgreind í 2. lið 3. gr. reglugerðar (ESB) 2018/848,
- 2) „vara í aðlögun“: vara í aðlögun eins og hún er skilgreind í 7. lið 3. gr. reglugerðar (ESB) 2018/848.

3. gr.

Lífrænt ræktaðar vörur og vörur í aðlögun sem eru undanþegnar opinberu eftirliti á landamæraeftirlitsstöðvum

Eftirfarandi lífrænt ræktaðar vörur og vörur í aðlögun sem koma inn í Sambandið skulu undanþegnar opinberu eftirliti á landamæraeftirlitsstöðinni sem er fyrsta komustöð inn í Sambandið:

- a) lífrænt ræktaðar vörur og vörur í aðlögun aðrar en þær sem tilheyra þeim flokkum dýra og vara sem um getur í a- til e-lið 1. mgr. 47. gr. reglugerðar (ESB) 2017/625 og
- b) lífrænt ræktaðar vörur og vörur í aðlögun sem tilheyra þeim flokki dýra og vara sem um getur í f-lið 1. mgr. 47. gr. reglugerðar (ESB) 2017/625, aðrar en þær sem fastsett hafa verið skilyrði eða ráðstafanir um í tengslum við komu þeirra inn í Sambandið með gerðum sem voru samþykktar í samræmi við 126. eða 128. gr. reglugerðar (ESB) 2017/625, eftir því sem við á, eða þær sem fastsett hafa verið skilyrði eða ráðstafanir um í tengslum við komu þeirra inn í Sambandið í samræmi við reglurnar sem um getur í a- til h-lið og j-lið 2. mgr. 1. gr. þeirrar reglugerðar.

4. gr.

Staðir opinbers eftirlits með lífrænt ræktuðum vörum og vörum í aðlögun sem eru undanþegnar opinberu eftirliti á landamæraeftirlitsstöðvum

1. Að því er varðar lífrænt ræktaðar vörur og vörur í aðlögun, sem um getur í 3. gr, sem ætlunin er að setja á markað í Sambandinu skulu lögbær yfirvöld inna opinbert eftirlit af hendi á stöðunum þar sem vörurnar eru afgreiddar í frjálst flæði í aðildarríkinu þar sem sendingin er afgreidd í frjálst flæði inn í Sambandið.

2. Aðildarríkin skulu upplýsa framkvæmdastjórnina um staðina þar sem vörur eru afgreiddar í frjálst flæði, þar sem lögbær yfirvöld inna af hendi opinbert eftirlit í samræmi við 1. mgr., þ.m.t. heiti þeirra, heimilisfang og samskiptaupplýsingar.

Framkvæmdastjórnin skal halda skránni yfir þessa staði þar sem vörur eru afgreiddar í frjálst flæði uppfærðri í Traces-kerfinu.

3. Aðildarríkin skulu tryggja að lögbær yfirvöld á stöðum þar sem vörur eru afgreiddar í frjálst flæði, sem um getur í 1. mgr., séu með tækni og búnað sem eru nauðsynleg fyrir skilvirkan rekstur Traces-kerfisins.

5. gr.

Breyting á framseldri reglugerð (ESB) 2019/2123

Framseldri reglugerð (ESB) 2019/2123 er breytt sem hér segir:

1) Ákvæðum 1. mgr. 1. gr. er breytt sem hér segir:

a) Ákvæðum a-liðar er breytt sem hér segir:

i. Eftirfarandi ia. lið er bætt við:

„ia. sendingar af plöntum, plöntuafurðum og öðrum hlutum sem um getur í i. lið, sem falla undir opinbert eftirlit á landamæraeftirlitsstöðvum skv. 5. mgr. 45. gr. reglugerðar Evrópuþingsins og ráðsins (ESB) 2018/848 (*),

(*) Reglugerð Evrópuþingsins og ráðsins (ESB) 2018/848 frá 30. maí 2018 um lífræna framleiðslu og merkingu lífrænt ræktaðra vara og um niðurfellingu á reglugerð ráðsins (EB) nr. 834/2007 (Stjttð. ESB L 150, 14.6.2018, bls. 1).“

ii. Í stað ii. liðar kemur eftirfarandi:

„ii. sendingar af matvælum og fóðri, sem eru ekki úr dýraríkinu, sem falla undir ráðstafanir sem kveðið er á um í gerðunum sem um getur í d-, e- og f-lið 1. mgr. 47. gr. reglugerðar (ESB) 2017/625, þ.m.t. þær sem falla undir opinbert eftirlit á landamæraeftirlitsstöðvum skv. 5. mgr. 45. gr. reglugerðar (ESB) 2018/848“.

b) Í stað b-liðar kemur eftirfarandi:

„b) sannprófun skjala annars staðar en á landamæraeftirlitsstöð að því er varðar sendingar af:

i. plöntum, plöntuafurðum og öðrum hlutum sem um getur í 1. mgr. 72. gr. og 1. mgr. 74. gr. reglugerðar (ESB) 2016/2031,

ii. plöntum, plöntuafurðum og öðrum hlutum, sem um getur í i. lið, sem falla undir opinbert eftirlit á landamæraeftirlitsstöðvum skv. 5. mgr. 45. gr. reglugerðar (ESB) 2018/848.“

2) Eftirfarandi 1. gr. a er bætt við á undan I. kafla:

„1. gr. a

Skilgreiningar

Í þessari reglugerð er merking eftirfarandi hugtaka sem hér segir:

1) „athugun á öryggi matvæla og fóðurs“: opinbert eftirlit sem innt er af hendi til að staðfesta fylgni við reglurnar sem um getur í a- og c-lið 2. mgr. 1. gr. reglugerðar (ESB) 2017/625,

2) „athugun á plöntuheilbrigði“: opinbert eftirlit sem innt er af hendi til að staðfesta fylgni við reglurnar sem um getur í g-lið 2. mgr. 1. gr. reglugerðar (ESB) 2017/625,

- 3) „athugun á lífrænum vörum,“: opinbert eftirlit sem um getur í 1. mgr. 6. gr. framseldrar reglugerðar framkvæmdastjórnarinnar (ESB) 2021/2306 (*).

(*). Framseld reglugerð framkvæmdastjórnarinnar (ESB) 2021/2306 frá 21. október 2021 um að bæta við reglugerð Evrópuþingsins og ráðsins (ESB) 2018/848 reglum um opinbert eftirlit að því er varðar sendingar af lífrænt ræktuðum vörum og vörum í aðlögun sem eru ætlaðar til innflutnings til Sambandsins og skoðunarvottorð (Stjtið. ESB L 461, 27.12.2021, bls. 13).“

- 3) Ákvæðum 2. gr. er breytt sem hér segir:

- a) Í stað inngangsorðanna í 1. mgr. kemur eftirfarandi:

„Sannprófun auðkenna og eftirlit með ástandi til að staðfesta fylgni við reglur Sambandsins um öryggi matvæla, öryggi fódurs og um verndarráðstafanir gegn plöntuskaðvöldum mega fara fram á öðrum eftirlitsstað en landamæraeftirlitsstöð ef eftirfarandi skilyrði eru uppfyllt:“

- b) Eftirfarandi 4. mgr. er bætt við:

„4. Lögbærum yfirvöldum er heimilt að inna af hendi eftirfarandi opinbert eftirlit á öðrum eftirlitsstað, sem er tilgreindur í samræmda heilbrigðis- og innflutningsskjalinu, en á landamæraeftirlitsstöð nema merkt hafi verið við í reit 30 í skoðunarvottorðinu, sem um getur í 5. gr. framseldrar reglugerðar (ESB) 2021/2306 (hér á eftir nefnt „skoðunarvottorð“), í merkireitinn „Ekki er hægt að afgreiða sendinguna í frjálst flæði“:

- a) athugun á plöntuheilbrigði í formi sannprófunar auðkenna og eftirlits með ástandi í tengslum við sendingar af plöntum, plöntuafurðum og öðrum hlutum sem um getur í ia. lið a-liðar 1. mgr. 1. gr. þessarar reglugerðar,
- b) athugun á öryggi matvæla og fódurs í formi sannprófunar auðkenna og eftirlits með ástandi í tengslum við sendingar af matvælum og fódri, sem eru ekki úr dýraríkinu, sem um getur í ii. lið a-liðar 1. mgr. 1. gr. þessarar reglugerðar sem falla undir opinbert eftirlit á landamæraeftirlitsstöðvum skv. 5. mgr. 45. gr. reglugerðar (ESB) 2018/848.“

- 4) Eftirfarandi 2. gr. a er bætt við:

„2. gr. a

Skilyrði fyrir framkvæmd athugunar á lífrænum vörum í formi sannprófunar auðkenna og eftirlits með ástandi á öðrum eftirlitsstöðum en landamæraeftirlitsstöðvum í tengslum við sendingar af tilteknum vörum sem falla undir opinbert eftirlit á landamæraeftirlitsstöðvum skv. 5. mgr. 45. gr. reglugerðar (ESB) 2018/848

1. Lögbærum yfirvöldum er heimilt að inna af hendi athugun á lífrænum vörum í formi sannprófunar auðkenna og eftirlits með ástandi í tengslum við sendingar af plöntum, plöntuafurðum og öðrum hlutum, sem um getur í ia. lið a-liðar 1. mgr. 1. gr., og í tengslum við sendingar af matvælum og fódri, sem eru ekki úr dýraríkinu, sem um getur í ii. lið a-liðar 1. mgr. 1. gr., sem falla undir opinbert eftirlit á landamæraeftirlitsstöðvum skv. 5. mgr. 45. gr. reglugerðar (ESB) 2018/848, á eftirlitsstað sem er tilgreindur í skoðunarvottorðinu, öðrum en landamæraeftirlitsstöð, ef eftirfarandi skilyrði eru uppfyllt:

- a) eftirlitsstaðurinn, þar sem framkvæma á athugun á lífrænum vörum í formi sannprófunar auðkenna og eftirlits með ástandi, er tilgreindur í skoðunarvottorðinu, annaðhvort af hálfu rekstraraðilans sem ber ábyrgð á sendingunni þegar hann sendir fyrirframtilkynningu í samræmi við 1. mgr. 3. gr. framkvæmdarreglugerðar framkvæmdastjórnarinnar (ESB) 2021/2307 (*) eða af hálfu lögbærs yfirvalds landamæraeftirlitsstöðvarinnar,
- b) niðurstöður úr athugun á lífrænum vörum í formi sannprófunar skjala, sem lögbær yfirvöld landamæraeftirlitsstöðvar inna af hendi, eru fullnægjandi,
- c) lögbær yfirvöld landamæraeftirlitsstöðvar hafa skráð heimild sína til að flytja sendingu á eftirlitsstað í reit 26 í skoðunarvottorðinu,

- d) lögbær yfirvöld landamæraeftirlitsstöðvar hafa skráð heimild sína til að flytja sendingu á eftirlitsstað til athugunar á öryggi matvæla og fóðurs í formi sannprófunar auðkenna og eftirlits með ástandi eða til athugunar á plöntuheilbrigði í formi sannprófunar auðkenna og eftirlits með ástandi, eins og við á, í samræmda heilbrigðis- og innflutningsskjalíð,
- e) áður en sending fer af landamæraeftirlitsstöðinni upplýsir lögbært yfirvald landamæraeftirlitsstöðvarinnar, sem ber ábyrgð á athugun á lífrænum vörum, lögbært yfirvald eftirlitsstaðarins, sem ber ábyrgð á athugun á lífrænum vörum, um komu sendingarinnar með því að senda skoðunarvottorðið gegnum Traces-kerfið,
- f) rekstraraðilinn hefur flutt sendinguna frá landamæraeftirlitsstöð til eftirlitsstaðar undir tolltilsjón án þess að vörurnar séu affermdar meðan á flutningi stendur,
- g) rekstraraðilinn hefur tryggt að staðfest afrit af skoðunarvottorðinu fylgi með sendingum af plöntum, plöntuafurðum og öðrum hlutum, sem um getur í ia. lið a-liðar 1. mgr. 1. gr., og af matvælum og fóðri, sem eru ekki úr dýraríkinu, sem um getur í ii. lið a-liðar 1. mgr. 1. gr., sem falla undir opinbert eftirlit á landamæraeftirlitsstöðvum skv. 5. mgr. 45. gr. reglugerðar (ESB) 2018/848, til eftirlitsstaðarins,
- h) rekstraraðilinn hefur tilgreint tilvísunarnúmer skoðunarvottorðsins í tollskýrslunni sem er lögð fram hjá tollyfirvöldum vegna flutnings sendingarinnar á eftirlitsstað og hefur geymt afrit af því vottorði þar sem tollyfirvöld hafa aðgang að því eins og um getur í 163. gr. reglugerðar (ESB) nr. 952/2013.

2. Krafa um að staðfest afrit af skoðunarvottorðinu, sem um getur í g-lið 1. mgr., fylgi sendingunni skal ekki gilda ef eftirlitsyfirvald eða eftirlitsaðili í þriðja landinu gaf vottorðið út í Traces-kerfinu, í samræmi við framselda reglugerð (ESB) 2021/2306, eða ef rekstraraðilinn hlóð því upp í Traces-kerfið og lögbær yfirvöld landamæraeftirlitsstöðvarinnar hafa athugað að það samsvari upprunalega skoðunarvottorðinu.

(*) Framkvæmdarreglugerð framkvæmdastjórnarinnar (ESB) 2021/2307 frá 21. október 2021 um reglur um skjöl og tilkynningar sem krafist er fyrir lífrænt ræktaðar vörur og vörur í aðlögun sem eru ætlaðar til innflutnings til Sambandsins (Stjúd ESB L 461, 27.12.2021, bls. 30).“

5) Ákvæðum 3. gr. er breytt sem hér segir:

a) Í stað inngangsorðanna í 1. mgr. kemur eftirfarandi:

„Lögbærum yfirvöldum er heimilt að inna af hendi sannprófun auðkenna og eftirlit með ástandi sendinga af matvælum og fóðri, sem eru ekki úr dýraríkinu, sem um getur í ii. lið a-liðar 1. mgr. 1. gr., á öðrum eftirlitsstað en landamæraeftirlitsstöð ef annað af eftirfarandi á við:“

b) Eftirfarandi 3. og 4. mgr. er bætt við:

„3. Lögbærum yfirvöldum er heimilt að inna af hendi sannprófun auðkenna og eftirlit með ástandi í tengslum við sendingar af matvælum og fóðri, sem eru ekki úr dýraríkinu, sem um getur í ii. lið a-liðar 1. mgr. 1. gr., sem falla undir opinbert eftirlit á landamæraeftirlitsstöðvum skv. 5. mgr. 45. gr. reglugerðar (ESB) 2018/848, á öðrum eftirlitsstað en landamæraeftirlitsstöð ef, til viðbótar við eitt af skilyrðunum sem sett er fram í 1. mgr. þessarar greinar:

a) rekstraraðilinn sem ber ábyrgð á sendingunni hefur óskað eftir flutningi á eftirlitsstað, bæði til athugunar á öryggi matvæla og fóðurs í formi sannprófunar auðkenna og eftirlits með ástandi og athugunar á lífrænum vörum í formi sannprófunar auðkenna og eftirlits með ástandi,

b) ef lögbær yfirvöld landamæraeftirlitsstöðvar velja sendinguna, bæði til athugunar á öryggi matvæla og fóðurs í formi sannprófunar auðkenna og eftirlits með ástandi og til athugunar á lífrænum vörum í formi sannprófunar auðkenna og eftirlits með ástandi, hafa lögbær yfirvöld landamæraeftirlitsstöðvarinnar heimilað slíkan flutning eða ákveðið hann, eins og við á, í tengslum við allar þessar athuganir. Þessar athuganir skulu inntar af hendi á sama eftirlitsstaðnum sem verður að vera tilnefndur fyrir þann flokk vara sem er í sendingunni og vera staðsettur í aðildarríkinu þar sem afgreiða á sendinguna í frjálst flæði.

4. Ef sendingar eru fluttar á eftirlitsstað í samræmi við 3. mgr. skulu lögbær yfirvöld landamæraeftirlitsstöðvarinnar, sem bera ábyrgð á athugun á öryggi matvæla og fóðurs, skrá flutninginn í samræmda heilbrigðis- og innflutningsskjalið og lögbær yfirvöld landamæraeftirlitsstöðvarinnar, sem bera ábyrgð á athugun á lífrænum vörum, skulu skrá flutninginn í skoðunarvottorðið.“

6) Ákvæðum 4. gr. er breytt sem hér segir:

a) Eftirfarandi c-lið er bætt við í 1. mgr.:

„c) plöntum, plöntuafurðum og öðrum hlutum, sem um getur í a- og b-lið, sem falla undir opinbert eftirlit á landamæraeftirlitsstöðvum skv. 5. mgr. 45. gr. reglugerðar (ESB) 2018/848.“

b) Eftirfarandi 4. og 5. mgr. er bætt við:

„4. Í tengslum við plöntur, plöntuafurðir og aðra hluti, sem um getur í c-lið 1. mgr., er lögbærum yfirvöldum heimilt að inna af hendi sannprófun auðkenna og eftirlit með ástandi á öðrum eftirlitsstað en landamæraeftirlitsstöð ef eftirfarandi gildir til viðbótar við eitt af skilyrðunum sem sett er fram í 2. mgr.:

a) rekstraraðilinn sem ber ábyrgð á sendingunni hefur óskað eftir flutningi á eftirlitsstað, bæði til athugunar á plöntuheilbrigði í formi sannprófunar auðkenna og eftirlits með ástandi og athugunar á lífrænum vörum í formi sannprófunar auðkenna og eftirlits með ástandi,

b) ef lögbær yfirvöld landamæraeftirlitsstöðvar velja sendinguna, bæði til athugunar á plöntuheilbrigði í formi sannprófunar auðkenna og eftirlits með ástandi og til athugunar á lífrænum vörum í formi sannprófunar auðkenna og eftirlits með ástandi, hafa lögbær yfirvöld landamæraeftirlitsstöðvarinnar heimilað slíkan flutning eða ákveðið hann, eins og við á, í tengslum við allar þessar athuganir. Þessar athuganir skulu inntar af hendi á sama eftirlitsstaðnum sem verður að vera tilnefndur fyrir þann flokk vara sem er í sendingunni og vera staðsettur í aðildarríkinu þar sem afgreiða á sendinguna í frjálst flæði.

5. Ef sendingar eru fluttar á eftirlitsstað í samræmi við 4. mgr. skulu lögbær yfirvöld landamæraeftirlitsstöðvarinnar, sem bera ábyrgð á athugun á plöntuheilbrigði, skrá flutninginn í samræmda heilbrigðis- og innflutningsskjalið og lögbær yfirvöld landamæraeftirlitsstöðvarinnar, sem bera ábyrgð á athugun á lífrænum vörum, skulu skrá flutninginn í skoðunarvottorðið.“

7) Eftirfarandi 6. mgr. er bætt við 6. gr.:

„6. Í tengslum við sendingar sem eru fluttar á eftirlitsstað til að framkvæma athugun á lífrænum vörum í formi sannprófunar auðkenna og eftirlits með ástandi skulu lögbær yfirvöld á eftirlitsstaðnum:

a) staðfesta komu sendingarinnar til lögbærra yfirvalda landamæraeftirlitsstöðvarinnar, sem bera ábyrgð á athugun á lífrænum vörum, gegnum Traces-kerfið,

b) skrá niðurstöður úr athugun á lífrænum vörum í formi sannprófunar auðkenna og eftirlits með ástandi og ákvörðun um sendinguna í skoðunarvottorðið í samræmi við 3. mgr. 6. gr. framseldrar reglugerðar (ESB) 2021/2306.“

8) Í stað inngangsorðanna í 7. gr. kemur eftirfarandi:

„Önnur af eftirfarandi yfirvöldum mega inna af hendi sannprófun skjala að því er varðar sendingar af plöntum, plöntuafurðum og öðrum hlutum, sem um getur í b-lið 1. mgr. 1. gr., sem koma til Sambandsins:“

9) Ákvæðum 8. gr. er breytt sem hér segir:

a) Eftirfarandi v. lið er bætt við í a-lið 1. mgr.:

„v. að því er varðar plöntur, plöntuafurðir og aðra hluti, sem um getur í c-lið 1. mgr. 4. gr. þessarar reglugerðar, skoðunarvottorðið sem um getur í framseldri reglugerð (ESB) 2021/2306.“

b) Í stað 2. mgr. kemur eftirfarandi:

„2. Ef rekstraraðili á að flytja sendingar af plöntum, plöntuafurðum og öðrum hlutum á eftirlitsstað til framkvæmdar á sannprófun auðkenna og eftirliti með ástandi skulu ákvæði 2. gr., 2. gr. a, 4. gr. og 5. gr. gilda.“

6. gr.

Breyting á framseldri reglugerð (ESB) 2019/2124

Framseldri reglugerð (ESB) 2019/2124 er breytt sem hér segir:

1) Eftirfarandi lið er bætt við í a-lið 1. mgr. 1. gr.:

„iia. plöntum, plöntuafurðum og öðrum hlutum, sem um getur í i. og ii. lið, sem falla undir opinbert eftirlit á landamæraeftirlitsstöðvum skv. 5. mgr. 45. gr. reglugerðar Evrópuþingsins og ráðsins (ESB) 2018/848 (*).

(*) Reglugerð Evrópuþingsins og ráðsins (ESB) 2018/848 frá 30. maí 2018 um lífræna framleiðslu og merkingu lífrænt ræktaðra vara og um niðurfellingu á reglugerð ráðsins (EB) nr. 834/2007 (Stjtið. ESB L 150, 14.6.2018, bls. 1).“

2) Í stað inngangsorða 3. mgr. 6. gr. kemur eftirfarandi:

„Rekstraraðilinn, sem ber ábyrgð á sendingunni, skal tryggja að umbúðum eða flutningatæki sendingar af plöntum, plöntuafurðum og öðrum hlutum, sem um getur í i. lið., ii. lið og iia. lið a-liðar 1. mgr. 1. gr., hafi verið lokað eða þau innsiglið á þann hátt að á meðan á flutningi til og geymslu í starfsstöð fyrir áframhaldandi flutning stendur.“

7. gr.

Gildistaka og framkvæmd

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 1. janúar 2022.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 21. október 2021.

Fyrir hönd framkvæmdastjórnarinnar,

Ursula VON DER LEYEN

forseti.